



林生隨筆 卷一二

增 5
457
1



門 和曾
號 457
卷 1-4

林生隨筆

明治辛酉七月
高田學堂寄贈



語言富則文章雜議論逞則事實失往往沈雄博麗
光怪陸離而語涉新奇義鮮懲勸有識者弗向也夫
鴻章製鉅自具體裁至於興到筆隨以志心得偶有
覩記藉備遺忘如七襄機斑斕異色如記事珠璀璨
肴陳或諧或莊因小喻大豈盡矜心作意哉然胸中
有竹絃外餘音作者隨所至而形諸楮墨讀者隨所
解而觀其會通有未可以稗官野乘例視者清泉爵
棠子庶乎近之爵棠以不羈之才縱橫南北少事詩
書壯年獨畱心經濟公卿聞耳其名多心折焉故交

林生隨筆 月
游最廣閱歷最深其所以自策勵復勤且敏以文人
親武事筆墨不離左右凡入耳寓目可以資觀鑒者
莫不手錄一通及彙輯成編固皆可傳而可誦蓋以
見聞所周廣學識閑性情維世道人心於不敝噫其
文顯其旨微已且吾竊見世之爲筆錄者矣書生好
名動輒著作於時事則無關痛癢於古人則襲取皮
毛辟如借山雞之羽舞鏡何堪斷孔雀之尾張屏不
足卽有一二資採擇而支離渺茫令人讀不終篇殊
無謂也椒生隨筆分八卷講學則具有淵源考典則

直探原本論詩則力宗風雅序事則務歸切近類皆
爽人心目耐人咀嚼雖不欲存其可得乎因書簡端
以質之閱者當不嗤余之阿好也光緒丁丑七月愚
兄周壽昌序於都門小對竹軒

夫鼎鐘虞蝕蠹也竹素常炳彪也詞章戒馳騁也踐
履務閑馴也故太上三不朽殿以立言君子四未能
準於顧行然而傳成劍俠類詳猿叟虬髯錄讀稽神
競說鼠人螳將義狃一偏語訾多妄可作噓譚之佐
難爲覺世之資蒙竊惑焉勘所取也若乃見聞綦富
折衷必黜媵嬰蒐輯靡遺綜貫胥徵體用諧莊並列
奇正相生金乍擲而地鳴壺欲投而天笑鍼砭愚賤
鏤鑄神奸兼述作之才不嫌淺近備聖賢之旨罔苦
艱深則 爵棠先生椒生隨筆一書得之先生烏巷

名宗鴻都夙慧清襟蘭郁綵管花生舊學衍船山一
脈黃書用纘箕裘新聞繙稗海千函綠字曾披籀篆
手如銀斷心淬金精織義組仁散珠橫錦雖數奇不
偶未登承平著作之廷而遇物能名久擅博雅淹通
之譽選者逆酋豕突狂寇猱興西北囂呶東南震擾
先生酬桑弧遠志自署戎馬書生託蓮幕棲身羣推
文鹿博士公卿迭薦牧伯文章符節頻司旌旄屢擁
壯幽燕之重鎮扼江海之要防踞蟻磯浮蝦島蛟龍
避舍豺虎潛蹤公望公才允副國士無雙之目獨來

獨往直到中華以外之天宜其懋建奇勳盡忘結習
豈將軍來天上方著翅欲飛復著迹徧人間竟不脛
而走乎而乃倚鞍爲几磨盾作書飛耳審音平心察
物境無虛接戎樞默筦文樞事不空描戰壘偏張詞
壘總集生平所閱歷旁資僚友之流傳博采兼收羽
排鱗次法咫尺嫻掌故於數千百年長歌短歌富
胸羅於二十八宿當夫聲停刁斗業理丹鉛刊僞正
訛芟煩就簡單詞隻字闡揚潛德幽光大義微言關
繫人心世道事憑珠記腋可裘成性情經濟文章範

圍不過嬉笑悲歌怒罵警悟俱深有時見宰官身爲
駮女癡兒說法有時受孔子戒使豎儒曲士斂容綺
麗閒登創懲隱寓幾經意匠用付手民猶復馳翰求
音傾衿下士高張鐵網窮搜大利遺珠廣啟藥籠欲
貯空山小草子建命仲卿作序貴賤忘形延之喜明
遠定評謙冲在抱芻蕘荷采匏瓦思鳴承寵命之時
頒虛堅辭之轉妄恭聆緒論知祕書本自虞初謹製
弁言疏短引竊居盧後非鳳凰飢之空歎難容杜甫
於軍中以牛馬走爲前驅願廁鄒枚於席上光緒辛

巳正月祝松雲序於衡郡石鼓講舍之留待軒

家世本青箱蔚然經籍光見聞新耳目遊戲亦文章
記事憑傳述書紳等不忘網羅多掌故隨意付奚囊
碌碌嗤公等因人少重輕君才自名世本色尚書生
著作餘文興謳吟遣宦情匡時多事業行見佐承平

序初譚鈞培拜稿

邇來文士喜荒唐說鬼譚天事渺茫拈出生花一枝
筆性情經濟大文章

湖湘著述重船山祖武箕裘輝映間俟解黃書留墜
緒一齊補綴醒癡頑

據事直陳哀鉞參箇中書味自醺醺偶然涉筆略成
趣藥石鍼砭異腐談
綺語偏饒絕妙辭零縑斷楮拾無遺英雄自是多情
種風月鶯花仗主持
所見異詞聞異詞疑疑信信費詳推拏舟稗海獲津
逮太史輜軒藉取資
消夏無因破睡魔瑯嬛雜誦耐摩挲列莊妙諦中庸
旨險語何須說老坡

檀浦梁肇煌拜稿

天下形形色色見見聞聞莫不有以開發人之心思
警動人之耳目無心置之斯過而不留耳余性魯苦
無記誦之學事無大小有可資觀覽助談柄者暇輒
筆於書隨得隨記久而哀然成集積以歲月窮控古
今然後知後海先河爲山覆簣而於聖賢六經之奧
國家治忽之原民生根本之計漸有所窺始悔向日
學之不博見之卓方擬舉付一炬以免敝帚千金
之誚而友人謬許爲可存戀憑付梓夫天下之理無
窮而君子之志於道也不成章不達故昔日之得不

足以自矜後日之成不容以自限假我數年將擇焉而精語焉而詳所以明學術正人心厚風俗以興平治之事者則有志未逮姑先以此本質之同志名曰隨筆山中白雲祇自怡悅不堪持贈覆瓿燒薪將一任諸覽者光緒三年丁丑九月爵棠王之春自識於京口軍次

椒生隨筆目錄

卷一

戒子孫

周文忠逸事

字經百鍊

戚少保遠鑒

惆悵詞

蒙求釋註

月當頭

任邛題壁

嘲某公子

詩有來歷

輓塔忠武聯

哀輓運典

詠曹操

秦檜王氏對語

陳忠愍祠堂聯

陳慶雲

王夢樓先生詩冊

詩意含蓄

金陵士人

宣化風俗

詠邨學詩

名言不必出自賢哲

御輓林文忠聯

潘文恭

詠譙周

周太守

兒時詩

胡文忠事略

盜鼠兵貓

專責卽事

貧士增減

三鼎甲

裝潢

米芾

孔子無鬚

不諱

反壁

宣髮

誌中稱

南風阜財

遷室側室

春秋謚

卷二

惜字

論加廣學額

正定府十四屬對句

精忠廟聯

回文集

張文毅撰聯

板橋詞句悖律

陳畊雲詩

黃雲孫先生詩詞

墨劫

八字官人

二賢祠

破句別字對語

嘲鹽城令聯

詠楚霸王

論聊齋志異

謝給諫疏語

古人鈔襲

論三焦

別號

大銜借補小缺

折福

論軍需報銷

劉霞仙中丞自陳語

昭雪故相

淮海秋笳集

李韋二逆禍本

養氣

四拜

天津店壁詩

年號重複

聖廟姓誤

丞相官名

四書韻語

女子纏足

十三經字數

曾文正公輓聯

Blank space with vertical lines for calligraphy.

椒生隨筆卷一

清泉 王之春 爵棠

戒子孫

予八世從祖船山公戒子孫云勿作贅壻勿以子女出繼異姓及為僧道勿嫁女受財或喪子嫁婦尤不可受一絲勿聽鬻術人改葬勿為訟者證佐勿為人作呈訴及作歇保勿為鄉團之魁勿作屠人厨人及鬻酒食勿挾火鎗弓弩網獵禽獸勿習拳勇咒術勿作師巫及鼓吹人勿立壇祀山操跳神能士者士其

林生隱筆 卷一
次醫次則農工商賈各惟其力與其時吾不敢望古人之風規但得似啟禎閒稍有恥者足矣凡此所戒皆公所深鄙者若飲博狂蕩自是不幸而生此敗類無如之何然其絲來皆自不守此戒喪其惻隱羞惡之心耳

周文忠逸事

周文忠天爵有勇力居恆舞大刀自樂性卞急而至孝每坐堂皇怒而刑人聞太夫人召卽止而退太夫人怒則跽而請罪色愉如也或言公一逸事云公任

漕督時以太夫人久旋里遣幹弁賫金爲母壽屬言是積俸之貲懼太夫人不納也僕至里第見太夫人果詢以金所自來僕具以對太夫人曰得由積俸吾姑受之爾歸語主人好自作官報 國然須變情性爲寬和庶幾畱一頭顱爲將來見我地步僕唯唯迨歸見文忠詭言太夫人甚喜且僞作安慰語文忠俟其言畢遽令縛而鞭之僕不得已以實告文忠乃喜釋其縛曰太夫人訓我素嚴豈肯作好言語汝後述者乃真我母語也我聞之如見母矣遂賚僕而忻悅

者累日公之純孝如此

字經百鍊

予題羨園詩有秋因諱老施顏色之句友人亟賞之謂諱字經百鍊而出近見曾畊樓有句云天地矜秋色矜字亦百鍊得之者

戚少保遠鑒

汴城書生言曰未有權臣在朝而大將能立功於外者戚少保紀效新書有或問一篇蓋明人積習惟便私圖而不問國事已在事中則攘功避過以身之利

害為可否以心之愛憎為是非已在事外則嫉忌成功惡人勝已吠聲結黨倡浮議以掣其肘戚公深鑒於此故反覆論辨之蓋為當時文臣發也節四庫全書提要嗣以張江陵沒僅半載讒構紛沓竟罷歸悒悒以終信乎江陵之非權臣使分宜復起恐戚少保亦岳少保之後車也

惆悵詞

毘陵陸秋巖崇蘭懷才不遇賈志以沒詩筆清麗芋縣存稿甚富予見其所作惆悵詞四首錄其三云娥

林生隱筆 卷一 三
娥紅粉盡盤鴉亭短亭長記那家紅豆歌殘金縷曲
綠蕪影冷玉鉤斜海能填恨思銜石月解銷魂爲葬
花一別恩恩如夢裏由來門外卽天涯白石青松證
舊盟江天何異隔層城海棠只爲愁紅死胡蝶偏教
傅粉生已過光陰殊造次未圓心事怕分明人間絕
少埋憂地便擬驂鸞上玉京晶簾十丈引遊絲瘦骨
青衫嬰母知醉後卻嫌天地窄春來便覺性情癡綠
波南浦愁江草細雨荒墳唱鮑詩記得小紅猶未嫁
合歡不贈贈將離又一聯云蕉葉裁成描蛺蝶菱花

留得嫁鴛鴦亦新雋

蒙求釋註

唐李瀚蒙求一書以四言韻語類列古人而各繫以
事後仿其體而爲之者若王令方逢辰陳櫟凡數家
近日通行之龍文鞭影較此詳備而不及其古簡貴
陽蔣允之太守爲之釋註所謂日記一事久自貫穿
益初學之見聞不是過也

月當頭

萬事不如杯在手一生幾見月當頭前人句也每歲

以十一月望日爲月當頭是日子刻立竿無影他月不然否則常有團圓何必云一生幾見邪憶吳竹橋太史詠月當頭喝火令詞句云笑說今宵明月十分圓笑說今年明月還有一回圓意特新倩

任卬題壁

有人題詩四首於任卬店壁僅記其三聯云花開三蒂從來少梅爲分嘗分外酸願從世界栽紅豆敢向天涯錄小名一枕夢回雙蛺蝶百年人得幾團圓未署蠡莊二字蓋深於情者

嘲某公子

聞有某公子幼隨父宦京師弱冠成翰林意得甚旋里集諸少年爲徵逐游甚至登場演劇有人嘲以偶語云京調唱崑腔這翰林另有班子斯文更曲譜那秀才好箇優生可謂善謔矣

詩有來歷

鄭板橋詩鈔中有句云貪看斜陽婢倚樓人謂焉有如此雅婢予笑曰胡爲乎泥中此誰氏婢也豈如小家之豢於厨下而蓬頭赤腳者哉板橋詩固自有來

歷

輓塔忠武聯

曾侯相輓塔軍門

齊布

云大勇卻慈祥論古略同曹

武惠至誠相煦嫗有章曾薦郭汾陽彭雪琴宮保亦

有輓聯云謚并武鄉侯湘鄂戰功青史在壽同岳少

保忠武以積勞嘔血薨於九江年三十有九

古今名將白頭稀相國與忠

武同患難而彭公則稍閒矣情誼有別辭氣不同而

確切莫移則一也

哀輓運典

哀輓以弄真性自應白描為妙往余有輓妹聯云汝性最聰明曾伴阿兄吟柳絮甥儕均穉弱忍看若輩著蘆花人謂運典雅切而真性猶見故附存之

詠曹操

漢陽戴景皋

喻讓

詠曹操云賣履分香兒女情讀書

射獵英雄氣如何橫槊對東風老年想作喬家婿予

亦有詠曹操詩云文章功業兩稱奇歷代奸雄奉作

師九錫自加尊武帝千金尙肯贖文姬老而不死真

謂賊謁者之監尙有兒聞說當年能治許阿瞞可惜

出非時末二句令阿瞞見之當又大笑

秦檜王氏對語

湯陰武穆公廟前有秦檜王氏万俟卨張俊四鐵像
列跪其下反縛如就刑狀有人製一對語其粘於秦
檜者云咳我縱喪心有賢妻必不若此其粘於王氏
者云啐妾雖長舌無鄙夫何至於斯作互相怨懟口
角是亦妙謔矣哉按咳當作唉史記項羽紀唉孺子
不足與謀索隱以為歎恨發聲之詞是也

陳忠愍祠堂聯

陳忠愍化成以江南提戎督軍禦外夷於吳淞中礮
陣亡敕建專祠熊觀察一本題聯云昔時未讀五車
書雅量清心温如玉冷如冰是大將實是大儒使天
下講道論文人愧死此日竟成千載業忠肝義膽重
於山堅於石忘吾身不忘吾主任世間寡廉鮮恥輩
偷生借題發揮大力包舉直是下語如鑄

陳慶雲

陳慶雲軍門國瑞湖北麻城人初為黃殿臣開榜養
子後復本姓驍勇善戰性嗜殺斬庖丁不勝計執刀

匕者恆惴惴也。歷戰克捷，功頗偉。嘗語人曰：戰要戰得穩，追要追得很，退要退得緊。予謂此乃名將語。又助修黃鶴樓，擬聯云：黃鶴飛來復飛去，白雲可殺不可留。人怪其下句之奇，慶雲笑曰：君未讀唐詩乎？總爲浮雲能蔽日，長安不見使人愁。浮雲比安祿山，非其可殺者乎？語雖不足懸挂而忠悃已具形已。

王夢樓先生詩冊

予曾於友人處見夢樓先生

文治

手錄近作一冊書

法秀勁詩調尤鏗鏘，令人把玩不釋。如破風萬里餘

豪氣策蹇三年有，淚痕實愧頭銜稱。著作徒教僮僕費，饕餮芳草心情淹。妓館梅花時節上，僧樓英雄溫飽有。髀肉文士依羈無遠謀，眞不啻爲浪跡風塵者。寫照也。

詩意含蓄

友人潘慎初

乃光

粵西孝廉積功至觀察，有榕陰草

堂詩集有金陵雜感七律二章，詩意含蓄不受前人束縛。其首章云：山形平遠水滌洄，地到江南氣象開。讀史不無興廢感，濟時空論古今才。眼前勝景非金

粉劫後餘灰付草萊尚有近年征戰迹等閒步上雨
花臺次章云恣遊東北徧西南世味親嘗苦與甘名
士過江多習氣丈夫投筆總空談清涼近挹青山色
妙相閒尋古佛龕我本書生慣戎馬頻年僑寓又何
堪他如名利兩途羞畫虎詩文一道付雕蟲詩情敢
謂江山助豪氣難將湖海除春風原野縈荆棘落日
林卽灌菜蔬花前得句詩情遠亂後談兵膽氣豪飽
嘗世味休吞棗馳逐名場類嗜茄等句皆可誦

金陵士人

賊陷金陵後聞一士人夙有文名令作僞王府堂聯
士人援筆立就云一統山河七十二里半金陵周外
城計七十
二里半也滿朝文武三百六行全某賊怒殺之嗣以一論
一詩開科取士詩題爲四海之內一東王一士人極
力頌揚僞東王楊秀清大悅賜狀元及第秩同統制
遊街之次日卽逸出二士或激烈或明哲均合乎道
也

宣化風俗

宣化以每歲季春出郭外萬柳踏青男女雜坐席地

飲酒墮珥遺簪日昃不禁解裙挂於樹杪曰挂紅遙望之紅綠飛揚殊有可觀又於五月十四至十六日原爲總戎晾甲之期士人訛爲晾腳會故於此三日無論貧富婦女羣坐於大門以外日必易著新鞵其富厚者日凡四五易遊人指視贊其纖小則以爲榮此俗尤陋

詠邨學詩

隨園詩話載有牧童七八縱橫坐天地元黃喊一年之句已形容盡致矣趙雲松先生句云惟有邨童讀

書聲都都乎文喧不已謂錯讀郁郁二字也許文恪公乃普句云杖藜扶出邨夫子多少兒童散似鴉均是詠邨學詩而許公獨能傳神也

名言不必出自賢哲

今州縣大堂戒石箴曰爾俸爾祿民膏民脂下民易虐上天難欺按張瑞義貫耳集本二十四句爲蜀王孟景語宋高宗摘取之又清慎勤三字爲司馬昭訓長史之言見三國志可見至理名言不必盡出自賢哲

御輓林文忠聯

林文忠一代偉人近罕倫比強疾視師中途星隕天下惜之相傳有御輓一聯云答君恩忠慎清勤四十年盡瘁披誠解組歸來猶是心存軍國迪朕德馳驅險阻六千里出師未及騎箕竟去空教淚灑英雄見者莫不流涕

潘文恭

潘文恭富貴壽考亦近時之有一無兩者也公成童時應蘇郡試太守李公器之出句命對云范文公天

下爲任公應聲曰韓昌黎百世之師李公擊節拔冠一軍書其卷尾云此子早安排作狀元宰相矣人服李公之先識文恭自輓聯云鄉夢久無憑那有閒情問松菊主恩慚未報好畱餘悃付兒孫時金陵已遭淪陷公雖予告而歸其忠君愛國之思溢於言表

詠譙周

予有詠譙周詩三首其一云諸葛年才五十四遐齡高壽乃譙周老而不死眞爲賊降表煩伊兩次修人言可爲後世炯戒用是錄存

周太守

周太守

沐潤

寄籍汴城以庶吉士散館出宰江南歷任繁劇所至有聲然素負不羈之才未免忽於細行有富金者吳門名妓也嘗贈以聯云我富文章卿富豔兼金聲價斷金交遂為台諫官糾參迨復官宰常熟題堂聯云十日雨五日風歲乃常熟九年耕三年蓄民其姑蘇二聯均膾炙人口後擢守常郡

兒時詩

予九歲初學詩一日遊郡北育嬰堂樓上祀武穆王

神像下跪秦檜諸人口占一絕云育嬰堂是岳王祠日冷風寒積樹枝扇擊佞臣揮涕罵有人匿笑道子癡塾師見之謂此子後必能吟及今思之真不脫孩子氣然予為韻語斯則開宗明義第一章故弗忍擲棄也

胡文忠事略

益陽胡文忠公其母湯太夫人娠公時夢五色鳥飛集屋後叢張兩翼翔鳴羣鳥從飛啄林中芝草因名林翼字詠芝年八歲陶文毅澍見而驚為偉器遂以

女字之公後以翰林典試江南被牽註誤家居養晦
題齋居聯云池圃足高臥圖書供古歡尋以林文忠
敦勸出山乃以知府分發貴州游擢至湖北巡撫咸
豐十一年七月 顯皇帝龍馭上賓八月公以勞
瘁薨於位曾侯相請以功績宣付史館疏略云六年
十一月攻克武漢以次恢復黃州等郡縣悉師越境
圍攻九江又分兵先救瑞州督撫之以全力援勦鄰
省自湖北始也後功甫蕺復奏明以全鄂之力辦皖
北之賊越二千里援解湖南寶慶之圍援湖之師未

返又議大舉圖皖先滅髮匪保三吳之財賦雪敷天
之公憤繪圖數十張分致與官文暨諸路將帥晝夜
諮謀又云每遇捷報之摺皆不專奏恆推臣處主稿
偶一出奏則盛稱諸將之功而已不與焉其心兢兢
以推讓僚友扶持善類爲務又云臣與該故撫共事
日久相知最深曾奏稱胡林翼之才勝臣十倍近則
遇事諮詢尤服其進德之猛不敢阿好溢美亦不敢
沒其忠勳等語又輓聯云連寇在吳中爲先帝與蓋
臣臨終憾事薦賢滿天下願後人補我公未了勳名

紀實之言誠非溢美侯相真公之知己哉

盜鼠兵猫

嘉慶戊寅聞有海濱小盜船竊發兵船大而不能徧
搜阮文達撫閩謂此等如蝗有蝻尤宜撲滅遂雇民
船配弁兵扮作客商專走淺河小港誘緝小匪從此
盜絕有因無盜而議撤者公曰養猫所以捕鼠若無
鼠而不養則鼠又出矣比喻最確

專責集事

嘉慶甲戌楊忠武入京

陛見

上問從前三

省軍務

湖北陝西四川

何以延至十數年之久見在兩次軍

務

河南教匪陝西饑民之亂

何以蕝事之速公對以有專責則事

易集

上首肯者再公武人也而一言能發修齊

治平之蘊

貧士增減

貧士增減數則可供一噓其語云愁日增意氣日減
藥方日增酒量日減奔走日增交遊日減子女日增
婢僕日減索債人日增借債人日減典票日增質物
日減妻孥怨恨日增帷榻柔情日減市兒牙儈之穢

語日增登臨賞玩之清緣日減厭態日增佳趣日減
慈悲心日增計較心日減予又加四則云詩日增睡
日減案牘日增酒量日減親友獎譽日增田間樂事
日減零碎書畫日增完善玩器日減

三鼎甲

鄭谷登第後宿平康里詩云好是五更殘酒醒耳邊
聞報狀元聲時谷登趙昌榜第八名又周必大有回
姚狀元穎啟回第二人葉狀元適啟是狀元有於唐
進士皆得稱之不必第一人也至十國春秋載作狀

元者必先受宮刑羅履先兩漢宮詞云莫怪宮中夸
對食尙衣多半狀元郎探花之稱亦始唐天中記唐
進士杏園宴使少俊二人探花游園他人先折名花
則二人被罰又蔡寬夫詩話云故事進士朝集擇年
少者爲探花使是探花乃年少進士之職亦不必以
第三名爲探花也李燾長編陳若拙中進士第三名
以貌陋人稱瞎榜蓋宋時以第三名爲榜眼則榜眼
非第二人也今三鼎甲之稱實自明初始定

裝潢

唐六典崇文館有裝潢匠五人注音光上聲謂裝成而以蠟潢紙也今製箋法猶有裝潢之說人多不解作平聲又改作裝池均誤釋名訓染紙齊民要術亦言有裝潢紙法亦殆未深考耳

米芾

黃氏筆記米元章自署其姓及所用圖記米或爲半芾或爲黻黻與芾猶可通用半乃楚姓米氏自出西域米國故人入中國者因以爲姓唐有回紇米懷玉五代有沙陀米至誠非若樓之與婁邵之與召同所

祖也字固不可改字音之相近者豈可混而一之耶又相傳蘇行書署名艸頭右先橫米行書右先直此言於米猶未盡合蓋米於芾之上半乃从艸並非草頭作者當先兩直後兩點凡米款真蹟如此其下半係先作一次作口次中直透上而下實卽芾字省文行艸皆可以此辨之僞款則直於艸頭下加市矣豈通人自誤其名乎米書款元祐六年以前皆作黻六年以後始改作芾是元祐辛未年也

孔子無鬚

孔叢子子思告齊君先君生無鬚眉天下王侯不以
此損其敬今像多鬚誤矣

不諱

文王諱昌而箕子爲武王陳洪範曰使羞其行而邦
其昌厲王諱胡而其子宣王時詩云胡不相畏此詩
書不諱也周頌祀文武之樂歌雖曰克昌厥後噫嘻
曰駿發爾私此廟中不諱也春秋僖公名申而書戊
申定公名宋而書宋仲幾莊公名同而書同盟此臨
文不諱也

反壁

今人作謝刺稱反壁此本晉重耳事庸俗誤爲蘭相
如遂有謹趙等字堪爲齒冷左傳又有反錦係叔向
事獨不用何也

宣髮

嘗見本草蕪菁條下有云蔓菁子壓油塗頸能變蒜
髮問之人以爲年少髮兼黑白者爲蒜髮而義則不
知及讀易巽爲宣髮注黑白雜也又皓落曰宣乃悟
蒜是宣字世俗傳寫之訛也然則老人髮皓落者亦

可云矣

誌中稱

誌中有爵者亦稱冢無爵者稱墓有爵及尊貴者稱公無爵者咸稱君

南風阜財

盧長公續史隙云舜彈南風之操曰南風之時兮可以阜吾民之財兮阜財之言索解不得一旦於王孫畢大參署中偶談及此因言山西有五絃洞舜揮五絃琴處也南為蚩尤廟北為鹽池鹽非南風不成至

今猶然故舜歌之知離政之利帝世已然

造室側室

近人於妾多混稱造室按左傳造為妾之副即俗所謂通房丫頭概以目妾恐無分別側室本漢書南粵傳朕高皇帝側室之子師古曰言非正室所生非也春秋左氏桓公二年傳曰卿置側室杜解側室眾子也文公十二年傳曰趙有側室曰穿而副室二字又欠通

春秋謚

春秋謚有三字者衛之貞惠文子是也有生賜者衛侯之於北宮貞子析朱成子是也有出奔而仍得謚者臧武仲中行文子是也有作亂被誅而仍得謚者崔武子樂懷子是也

椒生隨筆卷二

清泉 王之春 爵棠

惜字

外舅蕭公

繼昌

佐賀耦耕方伯

長齡

於蘇藩任時辦

海運方伯勤于政除夕觴幕中客執杯問曰有遺事否公曰惟一小事尚宜辦之方伯肅然曰願聞公曰署中字紙灰向不准收飛積厠穢何如以大竹簍盛之發交糧艘帶至津門再擲諸海既鎮風波又為惜字之一道推之各州縣亦應遵辦方伯為首肯立即

通飭照行嗣據州縣呈報合本署所收者共三千四百餘隻先大夫聞知筆之於書有云一言之福爲量靡涯公之後其無慮無讀書識字者字

論加廣學額

戊辰之秋湖北學政張湘濤太史之洞以團練捐輸加廣學額太濫請飭疆臣切實核減部臣變通定章一疏有云初學者略識之無便懷徼倖之想幸中者未嘗學問更無求進之心將向來文物薈萃之區寔變爲荒蕪譟陋之習不學者以爲得計老成者深有

隱憂況人數過眾則官師之約束難取類過寬則士林之流品雜其於士習文風殊有關係云云夫進取難則真才出而國強進取易則僞士多而國弱太史之論合乎正本清源之道矣

正定府十四屬對句

直隸正定府屬十四州縣好事者各綴二字曰正定將軍行唐使者元氏夫人阜平老人晉州客人獲鹿道人井陘童子靈壽仙官贊皇丞相無極大帝平山大王欒城公子新樂公主藁城草寇如小說中之稱

謂頗覺連貫山左戴紫垣集成對句更見巧思其句云公子何翩翩也喜仙官暗繫赤繩於是夫人議婚老人主盟彼童子無知但憑使者行媒聘定藏嬌公主大帝其巍巍乎賴丞相借籌玉箸因而客人享利道人服教雖草寇竊發可卜將軍報捷削平恃險大王

精忠廟聯

武昌精忠廟祀岳王寶剏於此唐書臣大令撰聯云入其國不非大夫若宋高宗且不論古之人責備賢

者於張魏公又何誅運以史筆下語如鑄

回文集

朱文公劉靜修文集俱有菩薩蠻回文詞隨句倒讀不免意複總不如自尾讀回爲好即瓊山濬有秋思回文菩薩蠻詞云紗窗碧透橫斜影月光寒處空幃冷香炷細燒檀沈沈正夜闌更深方困睡倦極生愁思含情感寂寥何處別魂銷謝默卿司馬依調詠春閨云飛花落盡春歸早客遨遊處青青草芳樹曉啼鶯愁勞夢又驚魂銷香惹袖翠積眉山皺微顰小立

時多愛意遲遲又張紫纈寄懷素蘭六妹回文虞美人云明窗半掩一庭幽夜靜鐙殘不得畱風冷結陰寒落葉別離長坐倚高樓遲遲月影移斜竹疊疊詩餘賦旅愁將欲斷腸隨斷夢雁飛連陣幾聲秋女士名芬一字月樓

張文毅撰聯

鄂撫青墨卿中丞磨待士卒有恩眾樂為用徇一總兵請移兵就饌入湖南境 天子震怒正法荊州死之日三軍皆哭張文毅帝挽以聯云雷霆雨露總

天恩早知秉節孤忠久拌一死成敗功名皆幻境卽此蓋棺論定已足千秋九京知此魂其無所恫乎

板橋詞句悖律

百字令收句平仄可平平仄平仄可平平仄仄可平仄平仄可平仄音節如斯不能改易板橋先生懷古詞有云世間鼠輩如何裝得老虎上句第三字下句第五字宜平而均易為仄既礙口便悖律矣此老第成一家動多率意之作豈可取法

陳畊雲詩

楚北陳畊雲送唐太守子方之任鞏昌有句云二千石正爲良佐一萬里原是壯遊楊柳歌殘辭鄂渚葡萄酒熟趁涼州工緻極矣楊柳句用韋皋從武昌移蜀事唐亦從武昌赴隴用典雅切

黃雲孫先生詩詞

丁卯夏於都門購得武進黃雲孫先生永詩詞詩名秣陵刪僅百十餘首詞名公車詞僅七十餘首余爲考證蓋國初人也詩則筆力清遒詞亦意旨雄邁其聽蛙句云多言勿乃躁羣聚近於爭祁莊句云空

庭花習靜深院鳥長飢過有秋堂小飲句云年來貧病無休日說到文章有戒容小樓曉起句云雄心過去翻成俗好夢圓時每自危又花月有情成痼疾山川無恙作深交又一二酒徒盟鐵券尋常花徑歎銅駝虞美人二闕詠虞姬墓云馬嵬坡下昭君塞幾件傷心外虞姬墓上不須悲猶與項王白首兩同歸垓心一劍香魂渺變作風前草我今折得草歸來欲與斷腸秋色一齊栽英雄自古推劉季差有人強意一意辟易呂家狐願與食其審老人家夫一姬死後難

相顧枉自歌聲楚項王聞此目猙獍應與虞姬長笑
幾千聲

墨劫

常山王灼齋太僕和富而有墨癖所藏自唐代迄
本朝名煤不下數百種殊珍異之弗輕示人戊午春
髮逆突擾倉卒奔避未及攜以俱行寇退亟歸則各
墨融煮兩鍋以刷印偽示而用其半翁為痛哭

八字官人

相傳 高廟精於月旦嘗以同田貫口氣甲由申

八字評定人才以決用舍中如貫字氣字為最得形
容之妙能知人者能官人大知固不獨虞舜也

二賢祠

開州長垣之交有閔子騫公西華墓隆阜相望祠祀
二賢地藉以名黃河繞流從未沖沒難黎均結茅其
上以避水災祠聯云父母昆弟人不閒其言宗廟會
同孰能為之大本地風光不煩雕琢

破句別字對語

相傳一納賞為宰官者遇童試出對云父母干戈干誤

林生隱筆 卷二
朕琴朕張朕二嫂一童對云達尊三爵一齒一德一
朝廷破句別字竟成絕妙對偶

嘲鹽城令聯

某明府宰鹽城不甚愜民意有人大書聯語粘於照
牆云當時只說此之謂今日方知惡在其可爲一笑

詠楚霸王

鄭板橋先生詠鉅鹿之戰有云項王何必爲天子只
此快戰千古矣後讀康書臣止馬河一詩亦不蹈人
云亦云之習均可爲項王吐氣也其詩云楚人此止

馬漢人此得鹿得鹿不必歡止馬不必哭太尉不安
劉幾乎易產祿重瞳雖敗亡令人舌難縮楚王不用
賢亞父保骸骨漢王能用賢淮陰滅三族楚王有烈
如漢王無賢后貞淫判兩途青史分芳臭鴻門遇高
祖不失其爲厚取敗在欺敵故爾功不就後世多滄
桑李趙慌忙走作詩慰重瞳江山非漢有

論聊齋志異

衡陽曾畊樓曰聊齋一書效左氏則左氏效檀弓則
檀弓效史漢則史漢出語必古命字必新葉生一則

中有尺牘云僕東歸有日所以遲遲者待足下耳足下朝至則僕夕發矣語簡意明效魏晉亦似魏晉也又云聊齋論斷卽後漢論斷楊忠愍一則論云先生生爲河岳死爲日星世多以遇仙爲先生惜然鄙意謂天上多一神仙不若世上多一聖賢此等議論前人未道有功於儒不小又云聊齋善於用典眞如鹽著水中也讀其四六可以見其無一字無來歷又云人知之喪汝德人不知亦促汝壽是絕好語愚謂德字不如名字又云輕薄之態施之君子則喪德施之

小人則招禍此言可以爲佩

謝給諫疏語

儀徵謝夢漁給諫增請誅已革兩江總督何桂清一疏有云何桂清蒞任以後惟以張宴演劇爲事常州知府平翰等競進玩戲男歌女舞日集於庭遂置軍事於不問及和春丹陽敗衄退往常州何桂清卽倣裝思遁紳民聞信遮道攀留願效死守何竟令親兵開放鎗礮傷死士民吳九喜等二十餘人突門而出逃至常熟之十里亭縱令兵丁放火劫掠居民鋪戶

實受其害迨經奉 旨逮問兩年之久屢奉嚴催
始行到部又云迹其所爲既屬形同寇盜延不就逮
尤爲藐視王章云云聞和春軍潰時有營員奔告之
何適舉茶欲飲杯落於地神色無措夫無膽識者必
無志節詎解泰山鴻毛之義哉

古人鈔襲

秦少游臨江仙詞直鈔錢起詩曲終人不見江上數
峰青二句宋子京詞問牧童遙指孤邨道杏花深處
那裏人家有全取小杜詩借問酒家何處有牧童遙
指杏花邨句意沈石田啟南老景詩有云今日殘花
昨日開此七字與唐崔惠和句一字不易可見古人
亦不免鈔襲也

論三焦

蓉塘詩話云蘇黃門龍川志云彭山有隱者通古醫
術與世諸醫所用法不同人莫知之單驥從之學盡
得其術遂以醫名於世驥曰古說左腎其府膀胱右
腎命門其府三焦男子以藏精女子以繫包以理主
之三焦當如膀胱有形質可見而王叔和言三焦有

林生隱書 卷二 九
臟無形不亦大謬乎蓋三焦有形如膀胱故可以藏有所繫若其無形尙可以藏繫哉且其所以謂之三焦者何也三焦分布人體中有上中下之異方人心湛寂慾念不起心火熾然翳攝三焦精氣入命門之府輸瀉而去故號此府爲三焦耳予後爲齊州從事有一舉子徐遁者石守道之壻也少嘗學醫於衛州聞高敏之遺說療病有精思予爲道驤之言遁喜曰齊嘗大饑郡郭相鬻割而食有一人皮肉盡而骨脈全者遁以學醫故往觀其五臟見右腎下有脂膜如

手大者正與膀胱相對有二白脈自其中出夾脊而上貫腦意此卽道家所謂夾脊雙關者而不悟脂膜如手大者之爲三焦也單君之言與所見悉合可以正古人之謬矣今醫家者流皆執叔和三焦無狀空有名以自信不聞有此說故錄之予謂此論可補諸醫書之闕

別號

古人有字無號別號不知始自何人然別號太多者幸而名傳後人將不知誰何矣鄭板橋先生云八大

名滿天下石濤名不出吾揚州何哉八大純用減筆石濤微茸耳且八大無二名人易記識石濤曰宏濟又曰清湘道人又曰苦水和尙又曰大滌子又曰瞎尊者別號太多翻成攪亂八大只是八大板橋亦只是板橋吾不能從石公矣此論極當

大銜借補小缺

江督曾公國藩奏武職各員大銜借補小缺前經奏准嗣經部駁此次奏補長江水師各缺甚至以提鎮之銜而借補千把之缺以入營之資格極久列保之

次數較多而家中貧寒如故情願一小缺爲終身衣食之資統計各省軍營保至武職三品以上者不下數萬人將來軍事大定各路撤兵此項有階無缺之員難保不滋生事端同治三年沈葆楨請安置此項人員自提鎮至都守照實缺例給予俸銀米石

飭下臣議臣以糜費太鉅未經議准或每年將借補者酌補六七成序補者酌補三四成截至同治二十七年止此後仍接班序補請旨將綠營將備借補小缺一案一併飭部核議見同治七年三月

京鈔

折福

程拳石先生謂終日無事寫字讀書亦為折福予生平最好此二事忙裏偷閒非握一管即把一卷然則予之福折多矣

論軍需報銷

倭相國仁等請以同治三年六月前各處軍需概免冊報自七月初一日起事竣後一體請銷疏略有云其造冊按例定之數不溢一絲而陰將款目浮開鉅

萬者與例既符即在准銷之例其以實用之數登之銷冊而并無絲毫浮冒者例銷未符即難核准然則報銷一事即能弊絕風清而實數不准銷准銷非實數虛文相襲甚無謂也云云實數不准銷二語確切時下虛文之病片言足抵千百

劉霞仙中丞自陳語

湘中劉霞仙中丞蓉初以胡文忠密薦嗣在駱文忠幕府又叨薦劾特琦齡簡川藩蔣京卿有慎名器之奏論列及之方伯自陳乞退中數語云民力既

盡尚為竭澤之漁苛政未除更獎催科之績事非出於不得已情實迫以難堪確切沈痛是謂不忍人之言

昭雪故相

柏靜濤相國稜清廉端正不阿肅順肅頗銜之咸豐

戊午與京兆試以失察家丁靳祥舞弊肅順竭力構

陷己未二月十三日 特宣情有可原法難寬宥

言念及此不禁垂淚之諭遂與羅鴻繹等同棄市觀

者流涕監刑者肅順暨趙公光也趙則悲泣不勝肅

則揚揚得意都人痛恨肅順始此 今上御極肅

順等伏法任侍御兆堅以柏公情罪未明奏請昭雪

有云永建嗣統先明楊震之忠隆慶改元即贈夏言

之諡又云爾時承審之載垣等意在攬權多方羅織

靳祥之口供未吐交關之實跡毫無附會科場妄議

定案云云 諭旨通行中外欽悅

淮海秋笳集

淮海秋笳集詞為甘泉李冰署所輯共十二家都為

哀怨之音蓋因兵燹此離有感而作也冰署自序有

云雍門之操非媚賞於龔俗車子之奏期躐佞於溫

胡苦調文心是所望於觚俞之聽也云云我也目斷湖山魂驚鞀鼓偶披此卷輒愴予懷以名作如林分選誌賞蓋掬新亭之淚步石帚之塵不僅以搓酥摘粉爲工也

李韋二逆禍本

道光戊申吾湘新甯令李博平糶勒價二千文一石次年差役訛詐雷再浩之妻黨以致李沉法乘時倡亂廣西桂平韋正因謬懸登仕郎匾額疊次訛詐因倡亂後稱北王官吏詐贖實爲禍本嗟乎地方不安

由官邪也犯上作亂是誰階之厲乎

養氣

聖賢工夫以知言養氣爲主而氣之難養總由七情六欲不能制耳何也怒則氣上喜則氣緩悲則氣消恐則氣下寒則氣收炁則氣泄驚則氣亂勞則氣耗思則氣結善養則無是矣

四拜

古郊天祭地止再拜可知無四拜之禮也考戰國策蘇秦之嫂四拜自跪而謝此四拜之始蓋因謝罪加

拜非禮之常然四拜唐已有之家禮祭神四拜明會
典見父母行四拜餘則否

天津店壁詩

予督軍北塘時路過天津府城外客店壁見有詩十
二首無作者之名注爲同治九年夷領豐大業肇亂
詩云狂瀾欲挽總難回非族同居禍已胎唐肅中興
回紇至周平東徙陸渾來平王東遷鹿門應悔山頭築馬
市誰教塞上開歎息岬端容易構運籌還賴救時才
紛紛鬼蜮不堪論民命凋傷氣暗吞壑谷滴殘師曠

淚夜臺淒絕比干魂傷心競逐投籠鳥信手還招入
苙豚天怒已深人怨集九泉誰雪覆盆冤張堪新政
詫漁陽虎穴親探搏獸王履險如夷羞退縮爲民除
害見循良敢將覆餗干清議且懍衣袂斥鬼方卻笑
夜郎還自大洋鎗一捻勢披猖鳴金誰使達通都救命
鑼起閩左齊看奮臂呼傷及父兄難坐視勢同仇敵
且駢誅秦灰許共池魚燕燕市爭傳國狗屠可歎岷
岡炎太烈俄看隔岸泣窮途變出蒼黃咎莫辭摧場
往昔有專司鵠蛇借效蠻民鬪鹿馬翻滋史冊疑法

令森嚴民罕喻英雄作用世難知太平粉飾尋常事

還擬銷兵答 聖慈影逐風翻事渺茫中山反噬竟

難防千秋遺憾悲鐘室兩字奇冤踵岳王傳示閭閻共帶器械

反將赴義之民 誣以強悍二字 朽骨爭淘鯨已死殺機微露雉高翔

飛章逕向 彤廷達節鉞紛來馬足忙橫磨十萬領

貔貅大纛高牙出上游赤紱不慚真宰相朱輪爭說

舊通侯幾時班馬銷邊患終古韓蘇懼首謀自是老

成持重好都隨秦誓歎休休捲堂文筆忒生新國事

何關草莽身究竟陳言還未去笑他博物總非真廟

堂有策昭殷鑒鄉校無知怨鄭人欲別園橋冠帶眾

忍教車轍歎沈淪同官分謗卽和衷依樣壺盧問畫

工多少庸流知畏法比來位望要尊崇縱教張毅終

難與欲與劉超敢自雄縛袴健兒齊枕甲軍威儘許

攝愚蒙髡鉗季布歎無家十日舟停博浪沙魯國搜

逃蹤易覓秦民偶語罪難賒街頭淫具開風捉夜半

驚魂對月斜知否昆吾墟上客縣縣叫徹夢中瓜不

該崇信是姦回語到講張事可哀似海仇深機自險

尋春約在夢先催神鍼巧試鴛鴦牒湯鑊輕投雉烏

媒畢竟窮奇難鑄象滑陳安得貢金來緹騎如雲夾
道紛蘇門待築五人墳細民憂國誠多事宰相和戎
豈罕聞自有董狐畱信史好同魏絳建殊勳慚余亦
逐蒼生隊往日頻勞屬望殷又有題商紂本紀後云
劓孕剖心得自由牝雞喔喔幾時休鬼侯已醢崇侯
在炮烙還爲億兆憂題畱侯傳後云副車一擊祖龍
驚大索何曾獲主名畢竟畱侯操勝算粗豪端不似
荆卿又有讀史雜感六首云珠崖一路去茫茫逆旅
孤嫠出道旁今日窮途揩淚眼來看盧相到南荒秦

王轉徙李符流天譴昭昭不自由記否前言猶在耳
崖州水土勝春州紛紛風影總無端笑罵由他卽好
官安得重逢周茂叔指周道欲投手板去南安上醫醫
國更誰知新法從今口實滋二豎已成心腹患總教
呂海術難施錄牒刊章故智存漢廷鉤黨不堪論願
教一掬馮班淚灑向昭陵化血痕養馬成羣欲滾塵
齊梁景物似隋陳不妨瑤草添新色併作南朝一段
春

年號重複

宋太祖欲以乾德建元盧多遜曰此偽蜀年號也眞宗欲以觀文建元丁謂曰此煬帝殿名也兩帝因此重讀書人第熙寧崇寧二名乃南朝章后宣后二陵名亦當時大臣不學之過明代以四書大全束縛天下而博雅者少故永樂一號重複者四竟無人言之晉涼州之張重華唐太宗時蒲城之李子和後五代之張遇賢宋之方臘皆改元永樂均小賊也他若正德者西夏乾順之改號也天順者金叛將楊安兒元泰定帝太子阿速吉八之號也天啟者元魏元法僧

梁永嘉王蕭莊唐末南詔豐祐之號也

聖廟姓誤

孔門弟子從祀廟廡有以複姓誤作單姓題其木主者七人左人郢誤稱左子名人郢叔仲會誤稱叔子名仲會步叔乘誤稱步子名叔乘句井疆誤稱句子名井疆穰駟赤誤稱穰子名駟赤石作蜀誤稱石子名作蜀奚容蒧誤稱奚子名容蒧見馬氏譚誤

丞相官名

丞相官名始於秦周以前無有也孔子爲魯司寇不

過掌刑之官如今大理刑部等類所謂攝行相事乃朝聘會盟爲贊相左傳會於夾谷孔某相是也太史公生於漢誤以漢制解經於司寇上加一大字如漢之三公大司馬大司徒大司空遂以相爲宰相之相後世沿襲之不知尙書周官六卿止稱冢宰司徒司寇無大小之分五經四書相字皆作擯相解春秋時魯政在三家夫子焉能秉鈞以是知漢儒誤也

四書韻語

四書中多有韻之句如出則事公卿入則事父兄君子不可以不脩身思脩身不可以不事親思事親不可以不知人四體不勤五穀不分孰爲夫子植其杖而芸飢者弗食勞者弗息眊眊胥讒民乃作慝方命虐民飲食若流流連荒亡爲諸侯憂略舉數言可以隅反蓋古人化工之筆雖無意爲之自成節奏不必有意於尋聲按調也

女子纏足

女子纏足不知始於何時漢武帝時有老萊子之母履作銳所謂躡利屣者亦謂屣有尖也古詩雙羅繡

行纏足跌如春妍他人不言好謂我知可憐人皆以此爲不纏足之證然余謂曰纏曰妍曰可憐明明是纏何云不纏雜事祕辛係東漢時事載女嬃足長六寸指斂跌圓略如官制斂非自斂必束之乃斂彼時宮制亦必纏細故言略如耳大約古人纏足取其細而不取其短底平指斂比如玉筍南唐李後主始令盲娘纏縛如新月必令短小如鉤爲快蓋束指不始於南唐而底折跌縮則肇於後主耳

十三經字數

十三經字數浩如煙海更僕難數嘗見困學紀聞箋云周易二萬四千二百七十字尙書二萬五千八百字毛詩三萬九千二百二十四字周禮四萬五千八百字儀禮五萬六千六百二十四字禮記九萬九千二百四十四字春秋一萬九千四百二十八字公羊傳四萬四千七十五字穀梁傳四萬一千五百一十二字論語一萬三千七百字孟子三萬五千四百十字孝經一千九百三字左傳一十九萬六千八百四十五字共六十一萬八千三百四十五字其說與隨園雜記

木生陰
名二
三
所載大同小異未知孰是又詩韻凡一萬二百五十三字見佩文廣韻彙編

曾文正公輓聯

全椒薛慰農先生時雨撰曾文正公輓聯云一个臣
休休有容頻年變理餘閒小隊出郊垌慣向山中招
魏野萬戶侯絲絲弗替此日元勳佐命大名垂宇宙
豈徒江左頌夷吾堂堂正大自是才人本色惜榮哀
錄中不載故附錄於此

